



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material



14 JUL 2009

132
Ա-45
Եր

17
141

02.03.5013

ԲՃՇԿԱԳԵՏ ԿԱՐ. ԱՂԱԶԱՆԵԱՆՑ

ՀՈԳԵԿԱՆ ՎԱՐԱԿՈՒՄԸ
ԵՒ
ՆՐԱ ՆՇԱՆԱԿՈՒԹԻՒՆԸ

1004
18892



Дозволено цензурою, Тифлисъ, 30-го Апрѣля 1905 г.

ՀՈԳԵԿԱՆ ՎԱՐՄԱԿՈՒՄՆ ԵՒ ՆՐԱ ՆՂԱՆԱԿՈՒԹԻՒՆԸ

Թէ մի անձն կարող է հոգեկան ազդեցութիւն գործել մի ուրիշի վրայ՝ այդ անհերքելի ճշմարտութիւն է, իրողութիւն է: Զանազան անհատներ ազդել են նոյն իսկ պատմութեան ընթացքի վրայ, առաջ են եկել յեզափոխութիւններ և ստեղծուել են պատմական խոշոր շրջաններ: Հին դարերում պակաս չեն դէպքեր, երբ անհատները ահագին ազդեցութիւն են ունեցել անձնաւորութեանց և նոյն իսկ ամբոխի վրայ: Մեզ համար նշանակութիւն ունին այնպիսի դիպուածներ, երբ անհատը ազդել է մէկի, մի բանիսի կամ բազմութեան վրայ և այդ ազդեցութեան տակ կատարուել են շատ անգամ անմիտ, տարօրինակ, երբեմն էլ կատարողների համար իսկ փրասակար ու վտանգաւոր գործեր: Դիւահարութիւնները, խելացնոր գաղափարները, ազանդները զարմանալի արագութեամբ էին տարածուում, տիրում էին բազաքներ ու գաւառներ և ինկվիզիցիայի ու այլ բռնի միջոցների զոհերի թիւն ստուարացնում: Այդ տեսակ անմիտ ու հիւանդ գաղափարները, ցնորական, տարօրինակ, երբեմն էլ փրասակար հոսանքները ծաւալ են ստացել յաճախ միմիայն պարզ նմանողութեան ազդեցութեան տակ: Դեռ Պլուտարքոսը յիշատակում է ինքնասպանութեան վարակման մասին: Վէօթէի յայտնի վէպի, «Նրիտասարդ Վերտերի տանջանքները» երևան գալուց յետոյ, շատ երիտասարդներ իրենց մատաղկեանքին վերջ դրին ինքնասպանութեամբ: 1878—79 թուականում Իտալիայի Վերցինյիս գիւղաքաղաքում գիւհահա-

բութեան գաղափարը այնպիսի շղային քայքայումն առաջ բերեց կանանց մէջ և այն աստիճան յուզուեցինք բնակիչները, որ խաղաղութիւնը վերականգնելու համար կարիք եղաւ զէնքի ուժին դիմելու: Տարօրինակ մօզաները, անմիտ և սնահաւատ բարբերը գեղարուեստի այլանդակ ուղղութիւնները, կրօնական աղանդները—յաճախ ծայրայեղ մոլեռանդութեան հասցրած, այս ամեն երևոյթների հիմքը՝ հոգեկան ներշնչումն և ախտաբանական նմանորութիւնն է: Ախտաբանական ենք անուանում այն ներշնչումը, որը կատարել է տալիս պայմաններից չբղտոյ առարմունքներ և հիւանդ գաղափարներ: Պէտք է ի նկատի ունենալ, որ տկար կամ հիւանդ ենք անուանում այն գաղափարը, որը անմիտ է և քարոզողի տեսակէտից—եթէ նա դատելու ընդունակ լինէր: Եթէ տգէտ մարդը բնութեան երևոյթների նկատմամբ որևէ սնահաւատ գաղափար է յայտնում—դրա պատճառը միմիայն նրա անձնօթ լինելն է գիտնական փաստերի հետ: Բաւական է որ նա ծանօթանայ բնութեան երևոյթների բացատրութեանց հետ՝ իբրև դատելու ընդունակ մարդ, առողջ եզրակացութեան կգայ: Բայց եթէ փաստերի կամ գիտական բացատրութեանց հետ ծանօթ լինելով հանդերձ մարդ նոյն անմիտ, անկապ կամ տարօրինակ մտքերն է յայտնում, կամ եթէ նա անձեռնհաս է ուղիղ գատելու և շահագործելու իւր մտաւոր պաշարը, այդ դէպքում տարօրինակ գաղափարը ոչ թէ սխալ է կոչուում, այլ ցնորական: Մեզ համար կարևոր են այն պարագաները, երբ հիւանդ մտքեր կամ տարօրինակ առարմունքներ ներշնչուում են այնպիսի անձանց, որոնց ուղեղը բնութեան է այդ մտքերի անհիմն լինելը: Իբր մի հասարակ ապացոյց ասածներն — յիշենք այն յաճախակի դէպքերը, երբ հոգեկան հիւանդները ազդում են ոչ միայն հիւանդանոցների սպասաւորների, այլ և բժիշկների վրայ: Հոգեկան հիւանդների ցնորքների բովանդակութեան վրայ մեծապէս ազդում են

չրճապատող կեանքի երևոյթները: Հոգեբանի կամ հոգեկան հիւանդութեան բժշկի համար, ինչպէս նաև փորձնական հոգեբանութեան, հասարակական գիտութիւնների, մանկավարժութեան և քրէական մարդաբանութեան ուսումնասիրութեան նկատմամբ, վերին աստիճանի հետաքրքրական և ուշագրաւ խնդիրներ են՝ հոգեկան հիւանդների փոխադարձ ազդեցութիւնը միմեանց վրայ, առողջ մարդկանց փոխադարձ ազդեցութիւնը և միմեանց նմանելու ձգտումը. վերջապէս, առողջների հոգեկան ազդեցութիւնը հոգեկան հիւանդների վրայ և ընդհակառակն: Հիպնոտիզմի ուսումնասիրութիւնը այդ խնդիրների հետ սերտ կապուած է: Հոգեկան հիւանդութեանց գիտնական գրականութեան մէջ նկարագրուած կան շատ դէպքեր, երբ հոգեկան հիւանդի ցնորքները ներշնչուել են ուրիշ հոգեկան հիւանդներին, երբեմն էլ միանգամայն առողջ մարդկանց: Ես ինքս առիթ ունեցայ 1903 թ. ամրանը ուսումնասիրելու հոգեկան հիւանդ ամուսիններին Պետերբուրգի բժշկական ձեմարանի հոգեկան հիւանդներին յատկացրած կլինիքայում: Ամուսինը մի շատ կրթուած սպայ էր բռնուած ծանր հոգեկան հիւանդութեամբ: Նորա ցնորքը մեծութեան և հալածանքի գաղափարներն էին, նա հաւատացնում էր, որ ինքն առաքեալ է և ուղարկուած է աշխարհ Փրկչի երկրորդ գալստեան համար մարդկութիւնը նախապատրաստելու և ապաշխարութիւն քարոզելու: Նա հմուտ էր պատմութեան և զանազան պատմական դիպուածները մեկնում էր Յովհաննու յայտնութեամբ (апокалипсисъ): Ինչպէս պատմում էին, նա իւր ապագայ կնոջը առաջարկութիւն էր արել հէնց առաջին անգամից, երբ ծանօթացել էր օրիորդի հետ: Այն ժամանակ տկարութիւնը թէև սկսուած է եղել, բայց նա թազցնելիս է եղել իւր ցնորքները և չրճապատողները նորան համարելիս են եղել իբր տարօրինակ անձնաւորութիւն, առանց կասկածելու, թէ նա հոգեկան հի-

լանդ է: Կինը նոյնպէս մանկութիւնից ի վեր տարօրինակ բնաւորութիւն է ունեցել: Նա բժշկի աղջիկ է և շատ լաւ կրթուած է եղել իւր փեսացուին պատահելիս: Երբ հիւանդ փեսացուն ստացել է օրիորդի համաձայնութիւնը, անմիջապէս ցանկացել է հրաժարուել ամուսնութիւնից և գնալ օգնելու Բօէրներին ընդդէմ Անգլիացոց: Սակայն զիջանելով իւր հարսնացուի և նրա մօր թախանձանքին՝ ամուսնացել է: Հարկ եւմ համարում նկատելու, որ հիւանդի ողջ ընտանիքն էլ օժտուած էր տարօրինակ յատկութիւններով: Բացառութիւն չէր կազմում հիւանդ սպայի բժիշկ աները:

Ամուսնանալուց յետոյ հիւանդ սպան սկսել է ներշնչել կնոջը իւր անմիտ գաղափարները: Պատմելիս է եղել նրան իւր տեսիլքների մասին: Յոյց էր տալիս սենեակի անկիւնը և հաւատացնում իւր կնոջը, որ այնտեղ կանգնած է ինքը Փրկիչը: Կինը սկզբում զարհուրում էր, չէր հաւատում նրա ասածներին, ընդդիմադրում էր, բայց տակաւ առ տակաւ ինքն էլ է սկսում հաւատալ, ինչ որ ձայներ լսել, մինչև անգամ տեսիլներ տեսնել և իւր կողմից ևս սկսում է մարդու ցնորքները զարգացնել և արձարձել: Այր և կին միասին շրջում էին, օգնում էին աղբատներին և իրենց բարոզներով մարդկանց պատրաստում Փրկչի գալստեանը: Երբ նորա հիւանդանոց մտան, այլ ևս միմեանց չէին պատահում: Որպէս զի որոշէի կնոջ ներշնչման ենթարկուելու աստիճանը, ես սկսեցի ներշնչել նորան, որ Փրկչի առաքելալը ոչ թէ նրա ամուսինն է, այլ ես եմ, որ մենք նրա հետ վաղուց ծանօթ ենք և այլն: Նա սկզբում վրդովւում էր, զրգուում և նոյն իսկ սպառնում էր և կամաց կամաց ինձ հետ համաձայնում: Ես ներշնչում էի նրան տեսիլքներ տեսնել, ձայներ լսել և նա տեսնում էր, նա լսում էր... Հեղհեղ տեսնասիրելով հիւանդութեան բոլոր պարագաները, սկսեցի ներշնչել առողջ գաղափարներ և բուժել նրան բժշկական միջոցներով: Անշատուած

իւր ամուսնուց, հեռու նրա ազդեցութիւնից, կինը բժշկուում էր և երբ ես գիտնական ժողովներից մէկում ցոյց էի տալիս նրան, նա համարեա բոլորովին առողջ էր: Մի ուրիշ դէպք: Անցեալները ինձ հրաւիրեցին բժշկելու մի օրիորդի, որ հոգեկան ծանր վիճակի մէջ էր: Նա վճռել էր մեռնել իր ընկերուհու հետ միատեղ, ինքնասպանութիւն գործելով: Ընկերուհին անմիջապէս մեռել էր գնդակի հարուածից, իսկ իմ հիւանդը պատահմամբ ողջ էր մնացել: Ինքնասպանութեան պատճառը կեանքի ձանձրոյթն էր եղել: Նմանօրինակ դէպքեր շատ են գիտական գրականութեան մէջ:

Ի նկատի ունենալով բնական և հիւանդ հոգեկան ազդեցութեան նշանակութիւնը, անհրաժեշտ է տեղեկանալ, թէ ինչպիսի արտաքին և ներքին պայմանների տակ և ինչ եղանակով է տեղի ունենում բնական և ախտաբանական ներշնչումն ու նմանօրութիւնը:

Մեզ, բժիշկներին, յայտնի է, որ հոգեկան հիւանդներին ազդականները կամ շրջապատողները շատ անգամ հաւատացնում են բժշկին, որ իրանց որդին, ազգականը կամ բարեկամը ցնորուած չէ: Նորա մի կողմից խղճում են հիւանդին, միւս կողմից յուզուած լինելով, չեն բռննադատում հիւանդի ասածները կամ արարմունքները: Այդ տեսակ դէպքերը բնական և սովորական երևոյթներ կարելի է համարել, եթէ առողջ մարդիկ այդպիսով միայն իրենց ներողամտութիւնն են արտայայտում դէպի հիւանդը առանց նորա գաղափարների հետ համաձայնելու: Այդ ներողամտութեան դէպքերից մինչև առողջ անձանց ցնորքներ իւրացնելը զանազան աստիճաններ կան: Դժուար է սակայն սահման որոշել, որից յետոյ ներշնչուողին կարելի է հոգեկան հիւանդ համարել թէ հասարակական և թէ օրինական տեսակետից: Մօտաւորապէս կարելի է ասել, թէ հոգեկան հիւանդութիւնը սկսում է այն վայրկեանից, երբ առողջ մարդը այլ ևս չէ հերքելով հիւանդի գաղափարները և ցնորք չէ համար

րում: Այս դէպքում մեզ համար միևնոյն է, թէ ի՞նչն է այդ փոփոխութեան պատճառը. արդեօք տեսողութեան, լսողութեան և այլ զգայարանքների սխալ տպաւորութիւնները թէ մի այլ հանգամանք: Եթէ նա տեսնում է տեսիլքներ և լսում է ձայներ, այդ սխալ տպաւորութիւնները ինքն ըստ ինքեան բաւական են, որ նորա միտքը շեղուի իւր ուղղութիւնից: Այդ տպաւորութեանց յեղաշրջման պատճառը ծանրակշիռ է և երբ շնորհիւ գրքագոռած ուղեղի հիւանդը դատարկ սենեակում տեսնում է մարդիկ, դեեր, հրեշտակներ և լսում է ձայներ՝ նորա դատողութիւնը արդէն շեղուել է իւր ճանապարհից և առողջ մտածողութեան շրջանից: Հէնց որ ներշնչուում է անհատը, սկսում է ներշնչող հիւանդի ցնորքը ճշմարտութիւն համարել և անկախ մշակել ու արծարծել, նա արդէն անկասկած հիւանդ է: Եւ եթէ ներշնչուողը մտաւորապէս թոյլ է կամ տրամադիր է խելագարութեան, կարող է պատահել, որ ներշնչողը առողջանայ, իսկ ներշնչուողը աւելի ուշ առողջանայ կամ անբուժելի հիւանդ մնայ:

Պատահում է, որ երկու հոգի (մեծ մասամբ երկւորեակներ) նոյն պայմանների մէջ ապրած, նման կազմուածքով, հաւասար զարգացմամբ և այլն, միմեանցից միանգամայն անկախ ենթարկւում են նոյն և նման առողջ կամ հիւանդ գաղափարների և նման գործեր կատարում:

Ներշնչուող անհատի համար բաւական կարևոր պայման է նորա ժառանգական յատկութիւնները թէ ֆիզիքական և թէ մտաւոր կազմուածքի կողմից: Սրանից չի հետևում, որ ներշնչուողի հայրը, մայրը կամ պապը անպատճառ պէտք է հոգեկան հիւանդութիւն ունեցած լինին: Ամենևին ոչ: Մեզ համար կարևոր է միայն այն, որ ներշնչուողը, շնորհիւ իւր ծնողների վատ կամ քայքայուած առողջութեան, որ հետևանք կարող է լինել ոգելից բնութիւնների, սիֆիլիսի, սովի, ծանր աշխատանքի,

քի, վախի և այլ հանգամանքների, ժառանգել է առհասարակ թոյլ կազմուածք ֆիզիքապէս և ի մասնաւորի ուղեղի նկատմամբ: Ի հարկէ կարող է մի անգամը աւելի թոյլ լինել քան միւսը. մի խօսքով այդպիսի անձինք թոյլ են լինում, զուրկ հաւասարակշռութիւնից և արատաւոր ժառանգականութեան պտուղ: Կարիք չկայ նոյնպէս, որ ներշնչողը և ներշնչուողը ազգականներ լինին-ինչպէս մի քանիսները ենթադրում են. ամեն մէկը առանձին կարող է ունենալ իրեն յատուկ ժառանգական թոյլ կազմուածքը (օրինակ՝ երկու ընկերներ, ամուսիններ և այլն): Բացի ժառանգական պակասաւոր յատկութիւններից, ներշնչողի համար փաստակար հետևանքներ կարող են ունեցած լինել մինչև ներշնչուելը այլ և այլ հանգամանքներ, որոնք և նպաստած կլինեն հոգեկան հաւասարակշռութեան կորցնելուն: Նշանակութիւն ունի նաև ներշնչողի և ներշնչուողի մէջ եղած սերտ և երկարատև բարոյական ու մտաւոր կապը և նմանութիւնը, մանաւանդ երբ երկուսն էլ միասին են լինում և հեռի արտաքին ազդեցութիւններից: Կարևոր պայմաններից մէկն էլ մէկի մտաւոր հեղինակութեան և կամքի ոյժի գերակշռութիւնն է. թէև պատահում է որ կամքից ուժեղ անձնաւորութիւնը հոգեկան հիւանդութեան տրամադիր լինելով՝ իւր ցնորքի բովանդակութիւնը աւելի թոյլ մարդուց է վերցնում: Դիւրութեամբ ներշնչում են այն գաղափարները, որոնք ներշնչուողի տեսակէտից աւելի մօտ են իրականին: Անմիտ, անբնական ու վերացական ցնորքները աւելի դժուար են ներշնչում քան իրականութեան մօտիկ, մեծութեան հալածանքի և այլ ցնորքները, մանաւանդ եթէ այդ գաղափարները փոքր ինչ տրամաբանական կապ ունին ու աւելի մշակուած են: Ներշնչուելու տրամադիր մարդիկ աւելի հեշտ են ներշնչում մանուկ կամ ծեր հասակում: Կանայք աւելի են տրամադիր ներշնչման քան տղամարդիկ: Ի մասնաւորի կանանց նկատմամբ պէտք է ասել, որ նրանց ֆի-

զիջական կազմուածքի մի քանի երևոյթներ (որդեճնութիւն, յղութիւն, կանանց դաշտանը և այլն) որոշ ազդեցութիւն ունին նրանց հոգեկան աշխարհի վրայ:

Ներշնչուողը աւելի շուտ է ընդունում այն ցնորքները, որոնք համապատասխանում են իւր ձգտումներին և կրքերին: Հալածականութեան ցնորքը համապատասխանում է մարդկային կասկածամտութեան: Ներշնչուողը սովորաբար հարուստ երևակայութեան տէր և դիւրահաւատ մարդ է լինում: Նրան հաճելի են ինտրիգաների որակը և քանակը, կռուի խորհրդաւոր կերպարանքը: Իսկ եթէ մեծութեան ցնորքն և հալածանքի՝ գաղափարը որոշ կապով կապուած են, այդ դէպքում ներշնչուողի փառասիրութիւնն աւելի է ձգտում թափանցել այդ իրեն հաճելի ցնորքների շրջանը:

Հոգեկան հիւանդութիւնների տեսակները որոշելիս ընդհանրապէս մենք չենք առաջնորդւում միայն ցնորքի տեսակով: Մենք ուշադրութեան ենք առնում մի շարք բնական և հոգեբանական բնորոշ գծեր, որովհետեւ առեւերևոյթ նման (մեծութեան, կասկածանքի և այլն) ցնորական պատկերները, տեսիլքները, լսողութեան և այլ զգայարանքների սխալ տպաւորութիւնները կարող են զանազան հոգեկան հիւանդութեանց ժամանակ բոլորովին նման լինել: Միակ միջոցը ֆիզիքական և հոգեբանական հետազոտութիւնն է, որ մեզ հնարաւորութիւն է տալիս հիմնուելով մեր ձեռքում ունեցած ապացոյցների, ժառանգականութեան կամ երբ և իցէ ունեցած հիւանդութեանց վրայ, մի ուրիշ եզրակացութեան գալ:

Խելագարութիւնը մի ախտաբանական երևոյթ է, որը այս կամ այն կերպ, տարբեր ուժգնութեամբ խախտում է մարդու հոգեկան ընդունակութեանց (միտք, բանականութիւն, կամք, յիշողութիւն և այլն) մեր ըզգայարանքների կենդրոնը—ուղեղը, և այդպիսով յեղաշրջում է մեր զգայարանքների շիտակութիւնը և սխալ

տպաւորութիւնների (տեսիլքներ, ձայներ և այլն) աղբիւր ստեղծում: Խելագարութիւնը—այսինքն ուղեղի խախտումը, որոշ չափով ազդում է և մարդու ֆիզիքական կազմուածքի վրայ: Այդ ամեն երևոյթների ուսումնասիրութիւնը շատ բարդ ու դժուարին գործ է:

Շատ անգամ հոգեկան հիւանդը պաշարուած է ցնորական մտքերով, որովհետեւ նրա զգայարանքների կենդրոն-ուղեղը զրգուած է: Նա իր մտաւոր պատկերները տեսնելով շրջապատող առարկաների մէջ և լսելով գոյութիւն չունեցող ձայներ և այլն, սխալ է ըմբռնում շրջապատող կեանքը, որովհետեւ նրա մտաւոր աչքը, ականջը և այլն նորան այլ ևս հաւատարիմ չեն, նրան խաբում են: Նա պարզ տեսնում է Փրկչին, նա լսում է ձայներ, որոնք պնդում են որ նա յանցաւոր է, հրէշ է, վերջապէս նա կորցնում է իւր մտաւոր հաւասարակշռութիւնը և անմիտ ու անկապ ցնորքների հեղինակ դառնում: Բայց լինում են դէպքեր, երբ մտաւոր աշխարհը խախտում է անկախ զգայարանքից: Հիւանդը առողջ մարդու պէս արտաքին աշխարհի մասին ճիշտ տպաւորութիւններ է ստանում. նա ամեն բան տեսնում է, լսում է և զգում է. բայց իւր տեսածին լսածին տարօրինակ բացատրութիւն է տալիս: Անցորդները իրար հետ խօսելով գնում են. հիւանդը որսում է նրանց անմեղ խօսքերը և իբր ակնարկ ընդունում իւր անձի վերաբերեալ: Ամեն մի խօսք, ժպիտ նա իրեն է վերագրում: Այդ տեսակ հիւանդների զգայարանքները երբեմն սխալ տպաւորութիւններ են հաղորդում, բայց այդ տպաւորութիւնները սակաւաթիւ են և համապատասխան նրա անմիտ գաղափարներին: Այդ հիւանդները մեծ մասամբ արատաւոր ժառանգականութեան սերունդներ են: Ամեն մի երևոյթ նորա կենդրոնացնում են իրենց անձի շուրջը. նորա խորամանկ են լինում սովորաբար, ունենում են կամքի ոյժ, դատում են սխալ ըմբռնած փաստերի հիման վրայ, սակայն առեւերևոյթ

դատում են տրամաբանօրէն: Երկար տարիներ շարունակ այդ հիւանդները իրենց զօհ են համարում անարգար հալածանքի և վերջ ի վերջոյ ընկճուում են, գալիս են այն եղրակացութեան, որ իրենք այն անձնաւորութիւնը չեն, ինչ որ մինչև այդ օրը կարծում էին. նոքա իրենց պաշարուած են տեսնում թշնամիներով, հնարում են ինտրիգաներ և վճռում վերջապէս, որ իրենք մեծ մարդիկ են, որ նախանձն է իրենց հալածանքի պատճառը: Կամ երբեմն էլ իրենց շարագործ ոճրագործ են համարում, որը արժանի է պատժի: Անհնարին է նոցա ապացուցանել իրանց սխալը, որովհետև. նոքա ձուլուած են իրենց ցնորքների հետ և ամեն բան իրենց համար պարզ են համարում: Նոքա այնքան վստահ են իրենց ցնորքների ճշմարտութեանը, որ կարող են ցնորական մտքերից զրդուած սպանութիւն գործել և դատաւորներին շիթեցնել, հաւատացնելով որ իրանք հալածուած են: Անտանելի են այդ հիւանդները թէ ազգականների, թէ բժշկի և թէ խնամատար ծառաների համար: Նենգաւոր մտքերով լի է նրանց գլուխը, վրէժի ծարաւը միշտ անյազ: Այս հիւանդները շատ վտանգաւոր են: Նոքա իրենց ազգեցութեանն են ննթարկում թոյլ և ջղային մարդկանց: Նոքա ընդունակ են տանջել դատաւորներին, ամբօխի գլուխ կանգնել և առաջնորդել ի կատարում իրենց ցնորական մտքերի: Նոքա կարող են կրօնական աղանդներ ստեղծել և ամենամանր սճիւրների զեկավար լինել:

Ինչ վերաբերում է հոգեկան հիւանդների միմեանց վրայ ունեցած ազգեցութեան, պէտք է նկատել, որ սովորաբար միմեանց չեն հետաքրքրում: Իւրաքանչիւրն զբաղուած է իրեն անձով և իր ցնորքներով, բայց պատահում է, որ ազգում են միմեանց վրայ: Օր. մի հոգեկան հիւանդ հիւանդանոցում սկսեց քարոզել Ս. Տեղեաց ազատելու և հիւանդների կացութիւնը բարւոքելու անհրաժեշտութեան մասին: Նա իր քարոզներով ազ-

դեց միւս հոգեկան հիւանդների վրայ և նրանցից իւրաքանչիւրը տարբեր կերպով իւրացրեց նրա ցնորական գաղափարները: Իբր միջոց հիւանդների գրութեան բարւօրման մէկ հիւանդ առաջարկում էր գնել կարմիր և կապոյտ մատիտներ և բաժանել հիւանդներին և նոցա ազգականներին: Անբարոյական հակումներ ունեցող հոգեկան հիւանդը այդ քարոզչի ազգեցութեան տակ վճռեց ծառայել Աստուծոյ և այլն:

Ներշնչման և նմանողութեան երևոյթների բնախօսական էութիւնը թէ առողջ և թէ հիւանդ մտքերի ու վարմունքների ներշնչման ժամանակ, կամբի և գիտակցութեան որոշ մասնակցութեամբ, միևնոյն է: Ոմանք այդ համեմատում են և հաւասարեցնում գերագոյն բէֆլէքսների հետ, աւելացնելով թէ այն գաղափարների ու արարմունքների համար, որոնք ներշնչեալի տեսակէտից ախտաբանական և հիւանդ երևոյթ կարելի էր համարել, անհրաժեշտ են ներշնչեալի կողմից տրամադրութիւն և պայմաններ, որոնց հետ փոքր ինչ առաջ ծանօթացանք: Բէֆլէքս է կոչուում այն գործողութիւնը կենդանի մարմնում, որը ինքնաբերաբար է առաջ գալիս իբրև պատասխան մի որևէ գրգռման, օր. եթէ նոր գլխատուած գորտի թաթը գրգռենք, իսկոյն ևեթ թաթը կցնցուի. նոյն փորձը կարելի է կատարել և կենդանի գորտի վերայ, երբ նոյն իսկ գիտակցութիւնն ու կամքը միանգամայն արթուն են: Վերջին պարագան ի հարկէ կարող է ազգել որոշ կերպով այդ մեքենայական գործունէութեան վրայ, բայց իրողութիւնն այն է, որ գործողութեան հիմքում որոշ անկախութիւն կայ: Ինչպէս ասացինք, շատերը ներշնչման և նմանողութեան հիմք են համարում, նոյն իսկ գիտակցութեան և կամքի արթուն ժամանակ, կենսական մեքենայական սկզբունքը, աւելացնում են միայն, որ այդ մեքենան հոգեբանական է և աւելի բարձր, քան այն մեքենան, որ գործում է մեռած գորտի թաթում:

Ներշնչման և նմանողութեան ֆիզիքական և բնա-
խօսական էութիւնը բացատրելու համար ուրիշները այլ
մեկնութիւն են առաջարկում, որ հիմնուած է որոշ բնա-
գիտական սկզբունքի վրայ, որ ոյժը—էներգիան բնու-
թեան մէջ չի ոչնչանում, ինչպէս և նիւթը: Նորա ա-
սում են, որ շրջապատող մեռեալ բնութեան ֆիզիքա-
կան ոյժերը (լոյս և այլն) ազդելով կենդանի արարածի
վերայ, փոխում են ֆիզիքականից բնախօսականի, իսկ
վերջինս—հոգեկանի: Հոգեկանը նորից վերափոխում է
բնախօսականի, առաջացնելով կենդանի արարածի մէջ
չարժողութիւն, ձայն և այլն: Այդ գործողութեանց ժա-
մանակ բնախօսական ոյժը ֆիզիքական է դառնում, օր-
գանիզմից դուրս է ելնում, ազդում է ուրիշների վրայ,
ենթարկում է նոյն փոփոխութիւններին և ուրիշի մէջ
արթնացնում նոյն մտքերը, նոյն զգացմունքները և գոր-
ծողութիւնները:

Ինչպէս էլ բացատրելու լինին ներշնչման և նմա-
նողութեան բնախօսական էութիւնը, յամենայն դէպս
այս խնդիրը չի կարելի վերջնականապէս լուծուած հա-
մարել: Դեռ ևս անհրաժեշտ է ներշնչումը ուսումնասի-
րել փորձնական ճանապարհով հիպնոտիզմի ժամանակ,
առողջների ու հիւանդների փոխադարձ ազդեցութիւն
գործելիս հիւանդանոցներում, սովորական կենցաղում,
առանձին անհատների ազդեցութեան տակ կատարուած
բազմամարդ բնական և ախտաբանական շարժումների
ժամանակ, որպէս զի կարելի լինի աւելի լաւ ծանօթա-
նալ ներշնչուողի թէ ներքին և թէ արտաքին կազմուած-
քի պարագաների և թէ բնախօսական կազմակերպու-
թեան հետ: Թէ ինչո՞ւմ է կայանում ներշնչման հոգե-
կան էութիւնը, կարելի է ենթադրել, որ այդ ժամանակ
(ներշնչման) անհատի «ես»-ը որպէս գատող և ինքնու-
րոյն գործող կամքի և գիտակցութեան սկզբունք ար-
թուն կացութեան մէջ զանց է առնում և անձնաւո-
րութեան համար «ես» ից դուրս գաղափարներ ու արար-

մունքներ պատրաստում: Այս էլ ուսումնասիրութեան
և հետազոտութեան լուրջ խնդիր է: Անհրաժեշտ է ու-
սումնասիրել և փոխադարձ ներշնչումը, ինչպէս և ինք-
նաներշնչումը: Մեզնից ամեն մէկը որոշ չափով ընդու-
նակ է թէ ներշնչելու և թէ ներշնչուելու և եթէ այդ
ընդունակութիւնը արտաքին և ներքին պայմանների ո-
րոշ ազդեցութեան տակ, ախտաբանական երևոյթների
շրջանին է մօտենում, պէտք է չմոռնալ, որ այդ պա-
րագան գիտնական կարեւորութիւնից զատ ունի և
իւր գործնական մեծ նշանակութիւնը: Շատ շատերը
հերքում են անհատի ազդեցութիւնը կեանքի հոսանքի
վերայ: Այդպիսիները պնդում են, որ մի անձն ամենա-
շատը կարող է լինել արտայայտիչ դարեչըմանի, կամ
ժամանակի պէտքերի ու պահանջների, և ոչ ստեղծիչ
որոշ հոսանքի: Մեր նպատակից դուրս է այդ խնդրի
վրայ երկար կանգ առնելը, բայց կարեւոր ենք համարում
հարեանցի նկատել, որ այդպէս խօսողները մոռանում
են ներշնչման զօրեղ ազդեցութեան մասին: Ներշնչումը
մի վիթխարի ոյժ է արտասովոր անհատի ձեռին. նա
այդ ոյժով կախարդում է ամբօխին և առաջնորդում կա-
տարելու մեծամեծ գործեր, որոնց անջինջ հետքերը դա-
րեր շարունակ փայլում են անխաւար սպառազ կեանքի
հոսանքում և պատմութեան էջերում արձանագրում:
Ուրիշ պայմաններում գուցէ նոյն անձը կարող էր տկար ու
անմիտ գործերի ղեկավար լինել հասարակութեան հա-
մար: Անտարակոյս առողջ թէ հիւանդ մտքեր ու գոր-
ծեր իրագործելու ու իւրացնելու համար որոշ պայման-
ներ անհրաժեշտ են և անձնաւորութիւնը սահմանափա-
կուած է իւր կամքի սաւառնումների նկատմամբ, բայց
և այնպէս անձնաւորութեան նշանակութիւնը բացասե-
լուց առաջ շատ և շատ երևոյթների մասին պէտք է
խորհել: Սորանով ես չեմ անվերջ ընդլայնում անձնական
սկզբունքի նշանակութիւնը, բայց անձնական սկզբունքը
լինի նա հետեւանք ներքին կազմուածքի թէ արտաքին

պայմանների, կայ և կմնայ իբր մի զօրեղ զործօն ոյժ
և թերևս կեանքը այնքան էլ մեքենայական բաղադրու-
թիւն չէ, որպէս կարծում են շատերը:

Ըմբռնելով բնական ու ախտաբանական ներշնչման
էութիւնը, մենք ձեռնհաս ենք մաքառել հասարակու-
թեան մէջ տարածուող համաճարակ հոգեկան հիւան-
դութեանց և անբնական ձգտումների դէմ: Մեզ համար
հնարաւոր է դառնում առողջապահական ընթացք տալ
հոգեկան հիւանդների խնամատարութեան ու բանտար-
կեալների վրձակին, դպրոցներում ուսանող մանուկ սե-
րընդի դաստիարակութեան ու հասարակական ու ամ-
բօխային սովորական յարաբերութեանց: Կարելի է ի
բնէ ախտաբանական ներշնչման տրամադիր անձի մէջ
ներշնչելով իսկ զարգացնել անձնական անկախութեան
օգին, ինքնուրոյնութիւն ու սկզբունքի գաղափար: Մեր
չօչափած խնդիրների ուսումնասիրութիւնը շատ կարե-
ւոր է մանկավարժների համար ինքնուրոյն, հոգւով զօ-
րեղ ու մարմնով կորովի սերունդ կրթելու համար: Ախ-
տաբանական ներշնչումը որպէս ցնորական գաղափար-
ներ թէև յաճախ չեն պատահում, բայց անտարբեր երի-
տասարդներն ու պատանիք, որոնք զուրկ կլինեն
ջերմ ու վսեմ բաղձանքներից, գաղափարական ձգտում-
ներից, հոգեպէս էլ թոյլ ու անհաստատ-դիւրապէս կա-
րող են խոնարհել ամեն մի աննշան ազդեցութեան
տակ, ու կորցնելով իրենց «ես»-ը, յուսահատուել ու
անպէտք էակներ դառնալ կեանքի համար:



« Ազգային գրադարան



NL0152631

